

Godina XIV Utorak, 16. marta/ožujka 2010. godine	Број/Број 20	Година XIV Уторак, 16. марта 2010. године
---	------------------------	--

ISSN 1512-7486 - bosanski jezik

Na osnovu člana 23. stav (2) Zakona o sprječavanju i suzbijanju zloupotrebe opojnih droga ("Službeni glasnik BiH", broj 8/06) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na 114. sjednici održanoj 11. februara 2010. godine, donijelo je

ODLUKU
O IZUZIMANJU PREPARATA OD PRIMJENE KONTROLNIH MJERA

Član 1.
(Predmet Odluke)

Ovom Odlukom određuje se izuzimanje preparata od primjene kontrolnih mjera propisanih Zakonom o sprečavanju i suzbijanju zloupotrebe opojnih droga (u daljnjem tekstu: Zakon).

Član 2.
(Preparati koji se izuzimaju)

Od primjene kontrolnih mjera izuzimaju se sljedeći preparati (gotovi lijekovi):

- a) Ergometrin Lek (*ergometrin*) tablete 20 x 0,2 mg i
- b) Ergometrin Lek (*ergometrin*) otopina za injekciju 50 x 0,2 mg /ml.

Član 3.
(Mjere od kojih se izuzimaju)

(1) Preparati navedeni u članu 2. ove Odluke izuzimaju se od mjera propisanih čl. 35. i 44. Zakona.

(2) Preparati iz člana 2. ove Odluke nisu podložni primjeni navedenih mjera iz Zakona, jer su sastavljeni tako da nema opasnosti od zloupotrebe ili je ona zanemariva, jer se iz istih supstancija ne može odvojiti općedostupnim sredstvima, u količini, koja bi se mogla zloupotrijebiti ili nedozvoljeno koristiti.

Član 4.
(Stupanje na snagu)

Ova Odluka stupa na snagu danom donošenja i objavljuje se u "Službenom glasniku BiH".

VM broj 30/10
11. februara 2010. godine
Sarajevo

Predsjedavajući
Vijeća ministara BiH
Dr. **Nikola Špirić**, s. r.